

Broj: 216-9-FN/24

Datum: 19.03.2024. godine

Na osnovu člana 70. Zakona o javnim nabavkama BiH („Službeni glasnik BiH“, br. 39/14 i 59/22), člana 18. Pravilnika o javnim nabavkama Lutrije BiH br. 03-3158/22 od 09.12.2022. godine i Zapisnika o pregledu i ocjeni konačnih ponuda Komisije za javne nabavke br. 216-8-FN/24 od 18.03.2024. godine, direktor Lutrije Bosne i Hercegovine, donosi

### **O D L U K U**

**o izboru najpovoljnijeg ponuđača po pregovaračkom postupku bez objavljivanja obavještenja o nabavci za javnu nabavku br. 005/24 od 06.02.2024. godine**

1. Kao najpovoljniji ponuđač po pregovaračkom postupku bez objavljivanja obavještenja o nabavci za javnu nabavku usluga, br. 005/24, objavljenom na portalu javnih nabavki BiH pod brojem 523-4-2-9-20-1/24 dana 06.02.2024. godine, a u skladu sa Zapisnikom o pregledu i ocjeni konačnih ponuda Komisije za javne nabavke, objava sažetaka obavještenja u postupcima javnih nabavki u Službenom glasniku BiH za potrebe Lutrije BiH, izabrana je ponuda sljedećeg ponuđača:

**JP NIO Službeni list BiH, Sarajevo, sa cijenom u iznosu od 10.244,32 KM bez PDV-a.**

2. Ponuda ponuđača iz tačke 1. ove odluke ocijenjena je prihvatljivom, jer ispunjava sve uvjete naznačene u Pozivima za učešće u pregovaračkom postupku (1.faza-faza predkvalifikacije, 2.faza-faza dostave početnih/inicijalnih ponuda i pregovaranje i 3.faza-faza dostave konačnih ponuda), a u skladu sa kriterijem za dodjelu ugovora ponuđač je ponudio najnižu cijenu.
3. Izabranom ponuđaču ponuditi dodjelu Ugovora o javnoj nabavci.
4. Za realizaciju ove odluke odgovorni su Sektor za pravne i opšte poslove i Sektor za finansijske poslove.
5. Dalji postupak po ovoj odluci provesti u skladu sa Zakonom o javnim nabavkama BiH, te Pravilnikom o javnim nabavkama Lutrije BiH.
6. Ova odluka se primjenjuje danom donošenja.

### **Obrazloženje**

U predmetnom postupku dostavljena je jedna ponuda ponuđača i to JP NIO Službeni list BiH, Sarajevo. Komisija za javne nabavke Lutrije BiH, imenovana Rješenjem broj 03-62/24 od 10.01.2024. godine, izvršila je pregled i evaluaciju dostavljene ponude po fazama, te konstatovala da je dostavljena ponuda prihvatljiva. Nakon izvršenog pregleda i evaluacije

dostavljene ponude, Komisija je dostavila direktoru Zapisnik o pregledu i ocjeni konačnih ponuda broj 216-8-FN/24 od 18.03.2024. godine, zajedno sa preporukom o izboru najpovoljnijeg ponuđača JP NIO Službeni list BiH, Sarajevo. U postupku ocjene provedenog postupka, direktor nije našao razloge, nepravilnosti niti propuste u radu, koje bi eventualno bile osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima, Pravilnikom o javnim nabavkama Lutrije BiH i tenderskom dokumentacijom.

Izabrani ponuđač je dostavio prihvatljivu ponudu u skladu sa uvjetima naznačenim u pozivima na učešće u pregovaračkom postupku bez objavljivanja obavještenja po fazama i kriterijem za dodjelu ugovora, te je ponudio najnižu cijenu.

Uzimajući u obzir naprijed navedeno, odlučeno je kao u dispozitivu ove odluke.

#### **POUKA O PRAVNOM LIJEKU:**

Protiv ove odluke, ponuđači mogu izjaviti žalbu Uredu za razmatranje žalbi BiH putem Ugovornog organa i to na način propisan odredbama člana 101. stav (4) Zakona o javnim nabavkama.

Dostaviti:

- Sektor za pravne i opšte poslove
- Sektor za finansijske poslove
- Ponuđač po javnoj nabavci broj 005/24
- Komisiji za javne nabavke
- Nadzornom odboru
- a/a

DIREKTOR  
  
Edhem Pašukan

